

كنيسة السيدة العذراء  
مريم

مكرانية الاقباط الاورثوذكس  
بالإسماعيلية

# فريق المندمج المسرحي فريق المندمج المسرحي

يقدم لكم

مسرحية  
ولا العفاريات الزرق

المستوى : الأول

المرحلة : الجامعة

تأليف /

هيثم سعد

إخراج /

شادي عزت

إشراف عام :

القس/ مقار كرم

مريسة السيدة العذراء  
مريم

مكرانية الاقباط الاورثوذكس  
بالإسماعيلية

# فريق المينجوع المسرحي فريق المينجوع المسرحي

يقدم لكم

مسرحية  
ولا الحفاريات الزرق

تأليف /

هيثم سعد

إخراج /

شادي عزت

إشراف عام :

القس/ مقار كرم

## المشهد الأول

\*يفتح الستار على ضوضاء و أصوات عاليه و نجد العفاريث و قد اصطفوا و يبدو ان نقاشا حادا يدرو بينهم و يجلس الرئيس على المنصة و حوله مستشارين \*

الرئيس : من فضلكم هدوء من فضلكم

(تسكت الاصوات تدريجيا)

الرئيس : أنا مش فاهم لغاية دلوقتى ايه المشكلة

مفريت 1 : المشكلة سمعنا يا فندم

مفريت 2 : سمعنا اصبحت فالارض

مفريت 3 : انا مش عارف اورى وشى لحد من صحابى

الرئيس : ليه كل دا

مفريت 4 : تسملى بالكلمة يا ريس

الرئيس : اتفضل

مفريت 4 : (كمن فى مرافعة) سيدى الرئيس .. حضرات النواب .. اخواتى و اصدقائى العفاريث

الزرق .. إننا نمر بمنعطف تاريخى .. نمر بفترة حرجة من تاريخ العفاريث الزرق ..

سمعنا اصبحت ع المحك .. تاريخنا كله اصبح مهدد بالإلغاء

الرئيس : اختصر يا استاذ

مفريت 4 : الخلاصة يا ريس ان احنا بقينا ملطشة

(ضوضاء فالقاعة)

الرئيس : هدوء من فضلكم .. (للعفريت) حاسب على الفاظك

مفريت 4 : هى دى الحقيقة يا فندم.. مش عايزين ندفن راسنا فالرمل زى النعام

الرئيس : يابنى انا قربت ازهق فهمنى ايه الحكاية ؟

مفريت 1 : انا اوضح لخضرتك يا فبدم

مفريت 2 : انا عايز اتكلم

مفريت 3 : من فضلكم دا دورى انا

مفريت 4 : انا اللى هتكلم يا جماعة

الرئيس : (يخبط على المنطضة ) هدوء وإلا هخلى الجلسة سرية

(محدثا عفريت 2 ) اتفضل يا سيدى

**حفريته 2 :** باختصار يا فندم و من غير ما اطول على حضرتك و من غير رعى و كلام كثير و لت  
و عجن مالوش لزمة و لا بيودى ولا بيصيب و عشان منعطلش وقت الجلسة و عشان  
منعطلش مصالح اخواتى العفاريات الزرق و لان خير الكلام ما قل و دل و عشان  
الموضوع مهم و خطير و لا يخلو التأجيل ولا التسويف ولا التطويل  
**الرئيس :** (يشير للعفريت 3 ) اتكلم انت و من غير مقدمات

**حفريته 3 :** العفاريات الزرق يا فندم

**الرئيس :** اشمعنى ؟

**حفريته 3 :** الناس كلها بتتريق علينا .. الناس كلها بتبهدلنا .. هبيتنا راحت يا فندم

**حفريته 2 :** انا بعترض يا فندم دول قلة مندسه

**حفريته 3 :** مضبوط يا فندم العفاريات الزرق رمز الامن و الامان

**حفريته 1 :** يا فندم دى وقائع محدده

**الرئيس :** ازاي يعنى ؟

**حفريته 1 :** البنى آدمين سكان كوكب الارض

**الرئيس :** هي وصلت للبنى آدمين !!

**حفريته 1 :** بيتريقوا علينا يا ريس .. كل ما واحد يحب يتحدى زميله يقولو دا ولا العفاريات الزرق

يقدرنا يعملوا كدا او كدا

**حفريته 4 :** امبارح يا فندم كنت بتمشى فشارع شهاب انا و المدام سمعت واحد بيقول لصاحبه انا

خبيت الفلوس فحته ولا العفاريات الزرق يقدرنا يعرفوها

**الرئيس :** للدرجه دى

**حفريته 1 :** وأكثر يا فندم .. الاسبوع اللى فات كنت فمارينا مع صحابى تخيل يا فندم الاقى العيال

الصغيرة عاملين مسرحية و لابسين اللبس بتاع اجدادنا اللى هوا ديل و قرون و عمالين

يتريقوا علينا

**حفريته 2 :** حتى مش عارفين شكلنا يا فندم و لسه فاكرين ان عندنا قرون و ديل

**الرئيس :** واضح ان الموضوع كبير

**حفريته 4 :** دول عملاء و اصحاب اجندات خارجية

**الرئيس :** طب و الحل ؟؟

(يخرج عفريت صغير من احد الاركان )

**حفريته صغير :** انا عندي الحل يا ريس

**الرئيس :** انت !!

**حفريته صغير :** احنا نعمل جروب عالفيس بوك لتحسين صورة العفاريات الزرق

**الرئيس :** بس الموضوع دا هياخد وقت

**حفريته صغير :** يبقى نعمل شعار العفاريات و البنى آدمين ايد واحده

**عفريت 4 :** مش كفايه يا ريس

**الرئيس :** طب و بعدين

**عفريت صغير :** يبقى مفيش غير حل واحد

**الجميع :** أيه

**عفريت صغير :** نختار بنى ادم انسان عادى غلبان مسكين ملوش حظ موهوب مقهور كل الظروف

ضدة

(اثناء ذلك بقعة ضوء على سعيد ابو السعود مسعود و هو يحمل كومة من الاوراق و كيس كبير و كلما تقع منه ورقة و يلتقطها تقع الاخرى و هكذا ) شايفينه

**الرئيس :** واضح اوى

**عفريت صغير :** الاسم : سعيد ابو السعود مسعود سعد

المهنة : مؤلف موهوب

الحاله : مش لاقى ياكل

السن : قريب من الثلاثين

**الجميع :** والمطلوب

**عفريت صغير :** نسعده .. نخليه اسم على مسمى

**الرئيس :** وإيه الصعوبه فكدا

**عفريت صغير :** مفيش حد يقدر يسعده و يحوله لبنى ادم جديد غير العفاريت الزرق لأن مأساته كبيرة

و بكده نثبت للبنى آدمين كلهم ان العفاريت الزرق ناس جامدة اوى و خلفه شياطين

بجد وابالسه بحق

**الرئيس :** الموافق يتفضل يرفع ايده .... موافقه

(يظلم المسرح إلا من بقعة ضوء على سعيد و اخرى على عفريت صغير و هوا يقرأ البيان )

**عفريت صغير :** بيان رقم 1 للمجلس الاعلى للعفاريت الزرق :

قرر المجلس الاعلى ارسال العفريت فى مهمة قومية من أجل تحسين صورة العفاريت الزرق فى كوكب

الارض و المجلس فى حالة انعقاد دائمة لمتابعة الامر و الله ولى التوفيق

ابليس ... العفاريت ... الارض انتهى

بلاك

## المشهد الثانى

المسرح مقسم الى عدة بؤر ضوئية يجلس فى الاولى موظف على مكتب وخلفة لافتة الصبر مفتاح الفرج وفى الاخرى معلم بجلابية بلدى جالسا على كرسى وفى فمة يضع الشيشة وفى الثالثة فتاة واضعة قدم على الاخرى وسعيد يدخل من بؤرة الى الاخرى ( يدخل سعيد الى بؤرة الموظف )

سعيد : صباح الخير

الموظف : طيب

سعيد : انا سعيد

الموظف : لية

سعيد : لا قصدى اقولك اننى انا سعيد

الموظف : يعنى من غير سبب

سعيد : لا انا اسمى سعيد سعيد\ ابو السعود مسعود

الموظف : ولا بيان عليك

سعيد : انا المؤلف اللى قدمت المسرحية بتاعتى للجنة التقييم الشهر اللفات

الموظف : ( ينظر الملف امامة ) صورت الرواية

سعيد : صورتها

الموظف : دفعت الرسوم

سعيد : دفعتها

الموظف : كتبت القرار

سعيد : كتبتة

الموظف : كدة تمام عدى علينا بعد ( مفكراً ) سنة وتلت شهور

سعيد : اية

الموظف : وقتها تكون لجنة التقييم قدمت تقريرها ويبقى باقى لجنة المتابعة ودة مش بتطول اربع خمس شهور تانى وبعديهم 60 يوم فى لجنة الاصدار وبعدها نرد عليك بالموافقة او الرفض

سعيد : ( باحباط ) يعنى كل دة بياخد حوالى

الموظف : من سنتين لثلاثة

(يَدْخُلُ سَعِيدٌ لِبُورَةِ 2 لِلْمُعَلِّمِ)

المعلم : الاجرة يا أستاذ

سعيد : هانت يا معلم

المعلم : كدا متاخر عليك 3 شهور

سعيد : الصبر يا معلم

المعلم : قدامك لآخر الشهر بعدها يا الدفع يا الطرد

سعيد : عيب يا معلم انا فنان كبير

المعلم : طب ادفع يا كبير

(يَدْخُلُ سَعِيدٌ لِبُورَةِ 3 لِلْمُعَلِّمَةِ)

دينا : سعيد

سعيد : دينا ..

دينا : وحشتنى

سعيد : وحشتينى

دينا : عملت ايه ؟

سعيد : فايه ؟

دينا : فجوازنا

سعيد : هانت .. هانت يا حبيبتي كلها سنة و تلت شهور وترد علينا لجنة التقييم و 8 شهور لجنة

المتابعة و 7 شهور لجنة الاصدار و سنة و نص لجنة الاصول و بعدها

دينا : نتجوز

سعيد : متسربعة على ايه لسه شوية لما لجنة المكافآت تدينى المكافأة بتاعة الروايه

دينا : وكل دا على امتى انشاء الله ؟

سعيد : مش كتير يا دنيا من 3 - 4 سنين و كل حاجة هتبقى خلصانة

دينا : انت بتستعبط يا سعيد انا كل اللى فسنى اتجوزوا و خلفوا و عيالهم بقوا فالاعدادية .. انا دفعتى

بقو لواءات يا سعيد

سعيد : (محدثا نفسه) انا عارف متسربعة على ايه

دينا : اسمع يا سعيد قدامك فرصة لآخر الشهر و بعد كدا كل واحد يروح لحاله (تمشى)

(يَلْتَفِتُ سَعِيدٌ لِنَفْسِهِ وَحِيدًا وَلَا أَحَدَ بِجَانِبِهِ)

سعيد : قال سعيد قال .... 10 سنين بكتب و أبعت ف قصص و روايات و مسرحيات مرة لهيئة

الثقافة و مرة لمجلس الفنون و مرة لوزارة الثقافة والجرايد و المجلات و غيرها و غيرها و بعدين ايه

النتيجة؟! كل اللى باخده ... الله يا استاذ .. انت موهوب يا استاذ .. جميل يا استاذ .. مستقبلك رائع يا

استاذ .. و بعدين ولا حاجة تيجى سيرة النشر و الفلوس الكل يهرب .. نهايته لا شغل ولا فلوس و اخر  
الشهر لا شقة ولا عروسة ...  
ياللا كملت (يجلس على الارض يائساً)

(يدخل العفريت إلى المسرح)

العفريت : مساء الخير (لا أحد يرد)

العفريت : بقول مساء الخير يا أخينا

(يلتفت إليه سعيد )

سعيد : مساء النور

العفريت : حاجة غريبة ... يعنى متخضتش ولا خفت ولا اى حاجة

سعيد : و على ايه دا كله

العفريت : بصلى كويس كدا

سعيد : (ينظر اليه جيداً) مالك .. انت عيان ؟؟

العفريت : (بغيط) شكلى ..

سعيد : عادى

العفريت : شكلى مبيفكر كش بحاجة .. وشى .. شعرى

سعيد : (يتأمله) بصراحة اه

العفريت : (بفرح) ها .. بيفكر بكايه

سعيد : مش هتزعل ؟؟

العفريت : يا سيدى لا بس قوول

سعيد : شكلك زى العيال المش مضبوطة

العفريت : (بدهشة) عيال .. عيال مين ؟؟

سعيد : العيال السيس بتاعت الجيل و البناتيل الساقطة

العفريت : بس كده ؟!

سعيد : هو فيه اكثر من كدا ؟

العفريت : طب اسمع بقى المفاجأه دى

سعيد : قول يا سيدى

العفريت : انا عفريت من العفاريات الزرق

سعيد : (بلا مبالاه) معقول

العفريت : و جاى عشان اسعدك



سعيد : انا شفت الفيلم دا قبل كدا

العفريت : فيلم ايه .. بقولك عفريت و جاي عشان اسعدك .. انت ايه مبتفهمش

سعيد : (بعدم تصديق) بقولك ايه انا مش فاضى للهازار دا

العفريت : (بسخرية) لا باين عليك انك مشغول اوى .. ممكن تقولى انت بتعمل ايه ؟؟ ولا حاجة ..

فانشل فكل حاجة بتعملها معندكش شغل ولا شقة ولا عروسة ولا اى حاجة .. مش كدا  
ولا انا غلطان ؟؟

سعيد : انت عرفت الكلام دا كله ازاي ؟؟

العفريت : بقولك عفريت انت ايه مبتفهمش

سعيد : انت مش واخد بالك ان لسانك طويل

العفريت : وانت مش واخد بالك ان فهمك ثقيل

سعيد : يعنى انت عاوز تقول انك عفريت بجد

العفريت : لا و مش اى عفريت ده انا مالعفاريت الزرق

سعيد : مضروب يعنى

العفريت : مضروب !!

سعيد : يعنى عفريت صينى مالى ببيوظوا بسرعة

العفريت : اوعى تقول كدا تانى .. انت فاهم (بغضب)

سعيد : خلاص يا عم متزعزعلش .. انت عفريت تمام

العفريت : ايوه كدا

سعيد : طب بقولك ايه .. انا من صباحية ربنا مكلتش ماتجبلنا حاجة ناكلها

العفريت : بقولك عفريت و هسعدك و اعملك كل اللي انت عايزه تقولى عايز اكل .. ايه الطلبات

النافهة دى

سعيد : اهى نعتبرها بداية

العفريت : (يخرج من جيبه ساندوتش) طب خد

سعيد : ايه ده ؟؟

العفريت : واحد فول بالببيض

سعيد : اعمل بيه ايه

العفريت : ازودلك معايا 2 مكس ؟؟

سعيد : و عفريت و هسعدك قلت هتنزلى من السما صينيه عليها المحمر و المشمر تقوم تجبلى فول

العفريت : (مصححا) بالببيض

سعيد : هوا ايه النحس دا يا ربى .. حتى يوم ما يطلعلى عفريت يقوم يطلع عفريت مضروب

العفريت : متقولش مضروب

سعيد : اومال دا اسميه ايه ؟!

العفريت : اسمعنى بس يا سعيد انا هقولك عالحقيقة كلها

سعيد : قول يا سيدى قول

العفريت : (يلتفت حوله حذراً) انا جابهنا فى مهمة قوميه بتقويض من المجلس الاعلى

سعيد : (بشك) انتو عندكو مجلس اعلى زيينا برضو

العفريت : المجلس الاعلى للعفاريت الزرق كلفنى بتحسين صورة العفاريت الزرق على كوكب الارض

سعيد : ايه دا يعنى جاسوس (بغباء)

العفريت : جاسوس ايه يا سعيد .. انا بطل قومى عند العفاريت الزرق زى رأفت الهجان عندكم بالظبط

سعيد : وطبعاً عايز تجندنى

العفريت : افهمنى يا سعيد انا و العفاريت الزرق كلهم قررنا نسعدك

سعيد : تسعدونى !!

العفريت : هنعقلك كل اللى بتحلم بيه

سعيد : معقول (كأنه يحلم)

العفريت : هنعولك لإنسان جديد

سعيد : انا مش مصدق نفسى

العفريت : لا صدق يا سعيد .. رواياتك و مسرحياتك هتنتشر و هتاخذ حقك من الشهرة و الفلوس..

شقتك هتبقى فيلا و حبيبته هتبقى مراتك و بدل الموتسيكل هتبقى عربية..حياتك هتتغير يا سعيد

سعيد : و يا ترى هتقدر ؟

العفريت : انت مش عارف انا مين

سعيد : يا عم عارفك مش انت رأفت الهجان بتاع العفاريت .. بس اللى عايز اقولهولك ان هنا غير عندكم

العفريت : يعنى ايه ؟

سعيد : يعنى مش كل واحد موهوب بياخذ فرصته و مش كل اللى ليه حق بياخذه مش كل الى بيحب

بيتجوز مش كل اللى جعان بياكل بإختصار الموضوع صعب .. اصعب مما تتخيل

العفريت : متخافش يا سعيد .. احنا العفاريت الزرق

بلاك

### المشهد الثالث

(موظف يجلس على المكتب و امامه طاوور و فى اخره سعيد و العفريت )

سعيد : يالهوى كل دا طاوور

العفريت : ملكش دعوة مش اهم حاجة الروايه بتاعتك تبقى فالاول

سعيد : اه طبعا

العفريت : دى بتاعتى

سعيد : (ينظر للعفريت الاخر) ومين دا

العفريت : دا المساعد بتاعى .. ملكش دعوه بيه خليك معايا (يحرك يده بطريقة معينة ) وائل حط الملف

بتاع سعيد فالاول

سعيد : هوا محدش شايفكو ؟؟

العفريت : محدش يقدر يشوفنا غيرك يا سعيد

(يذهب وائل و يضع الملف على المقدمة و يعود )

وائل : كله تمام يا ريس

العفريت : ميرسي يا وائل

سعيد : اسمه ايه ؟؟

العفريت : وائل

سعيد : عفريت ووائل !! ربنا يستر

العفريت : على فكرة بقا وائل طالع الاول عالثنوية العامه السنادى متقلتش

العفريت : يلا بقا تقف على جنب و تشوف ايه اللي هيحصل دلوقتى روايتك هتتاخذ اول روايه

(يقفوا على جانب المسرح تحدث جلبه و ضوضاء و يدخل المسرح شخص يبدو عليه الاهمية

و يقوم الموظف باستقباله )

الموظف : اهلا اهلا يا سعادة البيه

الشخص : ايه الاخبار

الموظف : كله تمام يا فندم اوامرني

الشخص : عايزين نخط الروايات دى فالاول .. دى بتاعت ابن اختى .. و دى بتاعة ابن اخت المدام ..

و دى بتاعة ابن خالة بنت اخت المدام .. ودى اخر روايه بتاعت بنت عمه مراة خالة المدام . وبس

الموظف : غالى و الطلب رخيص يا فندم .. نشيل دا (يرمى روايه سعيد) و نخط دول

العفريت : يا ولاد اللذين

سعيد : شفت .. شفت (بإفعال) شفت الاندال  
العفريت : اهدى اهدى اومال متتعصبش يا سعيد  
سعيد : انت مش شايف اللي بيحصل  
العفريت : (مكلما العفريت الاخر) وائل إنصرف  
(يذهب العفريت و يضع الدوسيه مرة اخرى اول الورق)  
العفريت : شفت مش قلتك هوا انا اى حاجة دانا عفريت ابن عفريت  
سعيد : بص .. بص (الموظف يمسك الروايه مره اخرى) ابن ال....  
الموظف : غريبة الروايه دى عالعموم احنا هنعطها فأخر الصف  
العفريت : كدا ماشى (ينظر لوائل .. يضع وائل الروايه فالاول مره اخرى)  
الموظف : اتفضل يا فندم .. ايه دا حاجة غريبة الروايه دى مالها .. طب اتفضل حضرتك يا فندم وانا  
هعمل الواجب  
سعيد : بص هيرميها تانى  
العفريت : وانا هرجعها تانى  
سعيد : انا قلت مالاول انا مليش حظ انا نحس نحسس  
العفريت : بطل تولول زى الستات  
سعيد : انت كمان تعرف الولولة  
العفريت : انا اساسا من شبرا  
سعيد : طب قولى هنعمل ايه يا بتاع شبرا  
العفريت : هعملك حركة عفريتية بنت لذينة .. بص كدا (يعمل حركات بيديه فى وجه الموظف حتى  
يجعل الموظف يقرأ الروايه)  
الموظف : الروايه دى غريبة اوى شكلها كويسه .. اما اقراها (بيبدأ بالقراءة)  
العفريت : شفت هتعجبه و هيتعاطف معاك  
سعيد : تفنكر  
العفريت : اكيد  
الموظف : دى معجزة .. دى جامدة موت  
العفريت : حلمك هيتحقق ي ابطل  
سعيد : ربنا يستر  
الموظف : اسمه ايه المؤلف دا ؟ سعيد مسعود  
العفريت : فرجت يا عم  
سعيد : يا خوفى يا بدران  
الموظف : خسارة فيه الروايه الجامدة دى

سعيد : نعم يا اخويا

الموظف : (منكرا)نعمل ايه .. نعمل ايه ؟ بس لقيتها احنا نشيل الاسم من عليها كده و نحط اسم ابن سعادة البيه عليها كده .. بالطريقة دى نبقى خدمنا البيه الكبير خدمه جامده طحن

العفريت : طب وسعيد

الموظف : لا سعيد ده يفوت علينا بعد سنه

(بلاك فجأة)

سعيد : النور .. نوروا النور .. انا بقيت اخرس

العفريت : اهدى يا سعيد .. اهدى بلاش اليأس دا

سعيد : يأس ايه يا عفريت انت مش شايف اللي حصل

العفريت : (بحماس) احنا خسرنا جوله لكن مخسرناش المعركة

سعيد : يا عم رأفت الهجان ارحمنى بقا

العفريت : بس حركه جامدة موت اللي عملها الموظف العفريت ده

سعيد : انا مش عارف مين فيكم العفريت

العفريت : لو سمحت احفظ ادبك .. انا عفريت و ازرق كمان

سعيد : بالذمة مش مكسوف من نفسك حته موظف بنى ادم يضحك عليك و يطلع مغفرت اكثر منك

العفريت : او عى تستقل بيا يا سعيد .. انا هنا بمثل المجلس الاعلى للعفاريت الزرق يعنى انت مش

لوحذك يا سعيد كلنا وراك

سعيد : طب و بعدين هنعمل ايه

العفريت : بص سيبك دلوقتى مالروايه و خلىنا فالحب

سعيد : يا سلام عليك و على افكارك .. يعنى هتحل المشكلة مع دنيا

العفريت : (بنقة مبالغ فيها ) اعتبرها خلصت

سعيد : بجد ؟

العفريت : هتشوف و حالا (يشير بعصا فى يده دون ان يحدث شيئا)

سعيد : ايه يا عم

العفريت : مالك فى ايه

سعيد : هستنى كتير ؟

العفريت : ايه مفيش صبر مفيش تأنى

سعيد : لا مفيش دم عند البعيد

(يدخل اثنان من العفاريت)

سعيد : مين دول ؟

العفريت : شادى و هادى .. صحابى ف الجامعة

سعيد : ايوه يعنى هيعملوا ايه ؟

العفريت : دلوقتي دنيا واخدة منك موقف صح ؟! دول هيمشوا وراها يعاكسوها و فجأة تطلع انت زى البطل المغوار و ...

سعيد : البطل الايه ؟

العفريت : المغوار .. هيا بتتقال كدا .. المهم تديهم حطة علقه و بعدين ترجعوا لبعض

سعيد : بص قول تانى عشان مكنتش مركز معاك

(مع كلامه تدخل دينا و يحدث المشهد ببطء)

العفريت : هتدخل دنيا هيروحوا يعاكسوها و فجأة هتدخل انت و تضربهم طاخ طيخ طراخ .. و بعدها هتبقى انت بالنسبة لها البطل الجامد موت جداً

سعيد : لا لا لا (معترضاً) ايه السخافه دى

(مع كلامه يحدث المشهد بالعكس حتى تخرج دنيا)

العفريت : ايه يا عم مالك ؟

سعيد : ايه السذاجة دى .. المشهد دا اتعمل خمسين مرة قبل كدا

العفريت : مين اللي عمله انطق يا سعيد .. عفاريت منافسين ؟

سعيد : يا عم دى حيلة فاشلة بتاعت افلام عربى قديمه

العفريت : (يبدو عليه التوتر) يعنى ايه !! .. مش هتنفع ؟

سعيد : لا طبعا مش هتنفع

العفريت : طب بص .. انا عندي حل تانى

سعيد : الحقنى بيه

العفريت : لا خليه مفاجأه

سعيد : مفاجأه !!

العفريت : ايوه بص دنيا هتدخل دلوقتي وانا هظبطك

سعيد : دلوقتي

(تدخل دينا و يبدو عليها الغضب)

سعيد : دينا

العفريت : ايوه يا سعيد

سعيد : ايوه ايه ؟!

العفريت : مش انت بعتلى و قلتلى عايزك

سعيد : انا !! (بدهشة)

العفريت : (فخوراً و مشيراً لصدره) انا!!

سعيد : با ابن اللذينه .. اعمل ايه انا دلوقتي ؟!

العفريت : انت متعملش حاجة انا اللي هعمل

سعيد : ازای ؟

ديننا : سعيد .. انت بتكلم نفسك

العفريت : ابتدئ يا معلم .... (يمليه الكلام) ديننا

سعيد : دنيا

ديننا : افندم

العفريت : حينما يختفى قرص الشمس (بطريقة مبالغ فيها)

سعيد : حينما يختفى قرص الشمس

العفريت : وراء الافق البعيد

سعيد : وراء الافق البعيد

العفريت : حينما تصمت الطيور و السماء

سعيد : حينما تصمت الطيور و السماء

العفريت : اذكريني

سعيد : اذكريني

ديننا : انت اتجننت يا سعيد

العفريت : (مستغربا) ايه ده وحشة ؟!

سعيد : (وراءه بطريقة آليه) ايه ده .. وحشة ؟!

ديننا : سعيد .. انت اهل يا سعيد

سعيد : (يفيق) يعنى ايه

ديننا : يعنى قولى انت باعتلى ليه

(العفريت يشير له ان يستمر)

العفريت : عشان حبنا لازم يستمر

سعيد : عشان حبنا لازم يستمر

العفريت : ونعدى كل الظروف الصعبة

سعيد : ونعدى كل الظروف الصعبة

العفريت : و نوصل لعش الزوجية اللي هيجمعنا سوا

سعيد : و نوصل لعش الزوجية اللي هيجمعنا سوا

ديننا : و جبت تمن عش الزوجية يا سعيد

سعيد : ايه !!

سعيد : (محدثا العفريت) ايه يا عم جت سيرة الفلوس قلبت عبيط

ديننا : كلمنى هنا بدل ما بتكلم نفسك

سعيد : انا معاكى يا حبيبتى

دينا : و اتصرفت فتمن الشبكة يا سعيد  
 سعيد : (مستجدا بالعفريت) ايه الكلام ؟! ...  
 دينا : و فلوس العفش و الجهاز  
 سعيد : ايه .. انطرشت ولا ايه  
 العفريت : (متسللا) طب استاذن انا يا سعيد و اجيلك مرة ثانية (يخرج)  
 سعيد : استنى .. استنى يا جبان (يجرى وراءه)  
 سعيد : انا غلطان انى سمعت كلامك و جيت (تخرج مالكالوس الاخر)  
 (سعيد فى حيرة بين الاثنين)  
 سعيد : دينا .. انت يا عم رأفت الهجان  
 (يخرج وراء دنيا ثم يعود يجر اذيال الخيبة)  
 سعيد : ايه يا ربى النحس ده ... مفيش حاجة نافعة معايا حتة شغل الابالسه .. انا قلت مالاول مفيش فايدة  
 (يدخل العفريت مترددا و يبدو عليه الخجل و يتنكر فى زى اخر حتى لا يعرفه سعيد)  
 العفريت : مساء الخير  
 سعيد : (يرفع وجهه) مساء النور .. ايه ده هوا انت يا سبب المصايب  
 (يقوم و يمسكه من عنقه)  
 العفريت : ايه ده .. انت عرفتنى  
 سعيد : طبعا مانت عفريت اهيل  
 العفريت : لو سمحت يا سعيد متغلطش  
 سعيد : هو انت لسه شفت حاجة يا نصاب  
 (يفلت من بين يد سعيد و يجرى و وراءه سعيد)  
 العفريت : استنى بس يا سعيد .. انا هفهمك  
 سعيد : ده انا هخر ببيتك  
 العفريت : خليك متحضر يا سعيد .. مش كده .. اعقل  
 سعيد : دا انت جننتنى .. البت افكرتنى مجنون  
 العفريت : افهمنى يا سعيد .. احنا خسرنا جوله بس مخسرناش المعركة  
 سعيد : (يزداد هياجنا) عارف لو قلت الجملة دى تانى هرتكب جنايه  
 العفريت : طب بص .. ادينى فرصة .. اخر فرصة  
 سعيد : (يحاول استدراجة) طب تعالى .. تعالى و انا مش هكلمك  
 العفريت : (مترددا) بجد  
 سعيد : اه بجد دانت حبيبي  
 العفريت : (يقترب) انا قلت كده برضه .. اصلى يا سعيد لازم تفهم ان انا فرصتك الوحيدة و دا ليه ؟!  
 لانى من العفاريت الزرق



(يكون امام سعيد مباشرة)  
سعيد : (يضربه على رأسه) انا بقا هخليك ازرق بجد

## بلاك المشهد الرابع

(يفتح المشهد على العفريت الصغير و هو يحيط وجهة بضمدات اثر ضرب سعيد له)

العفريت : ماشى يا سعيد .. دى اخرتها .. اطلع عند المجلس الاعلى للعفاريت اقولهم ايه ؟؟ .. اخدت علة  
فى الارض عند البنى ادمين .. مش كفايه فوق .. يبقى هناك و هنا  
(يدخل سعيد و هو باثار النوم)

سعيد : انت لسه عمال تعيط .. ماكنتش علة دى

العفريت : ماشى يا سعيد افكرها

(سعيد يشيح له بيده فى مل)

العفريت : وايه الكراتين دى كلها يا سعيد .. احنا هنعزل ولا ايه

سعيد : لا كلها كلها ساعتين تلاته و صاحب الشقة ييجى يطردنى . . فقلت اخدها من قاصرها و اطلع  
بكرامتى

العفريت : طب و هاتمشى تروح فين

سعيد : (ساخرا منه) هطلع على فيلا الزمالك ولا اقولك .. هروح الشاليه بتاع الساحل احسن

العفريت : (بسذاجة) معندكش حاجة فشرم

سعيد : بقولك ايه مش ناقصة جنان ولا اكملك على باقى وشك احسن ؟؟

العفريت : خلاص يا عم متزعلش .. بس ايه رأيك بقا علاجك عندى

سعيد : يعنى ايه ؟!

العفريت : انا اللى هحللك مشكلة الشقة دى

سعيد : لا الله يخليك ابعد عن الموضوع دا مش نقصاك .. انا استلفت قرشين من عمى فالبالد هديهم

لصاحب الشقة و اترجاه يستنى عليا شوية

العفريت : غلطان طول عمرك اهل يا سعيد ..

سعيد : اشمعنى يا ابو العريف

العفريت : انت كدا هتطمعه فيك يا سعيد

سعيد : يعنى هوا فيه حل تانى وانا معملتوش

العفريت : الحل عندى يا سعيد

سعيد : طب الحقنى بيه

العفريت : الحل يا سعيد حل من بتوع ابليس .. حل صصنع فى ارض العفاريت الزرق حل عبقرى حل..  
سعيد : (يضربه على قفاه) اخلص يا عم مش ناقصة وجع دماغ  
العفريت : خلاص خلاص .. اسمع بقا يا برنس

(يحكى العفريت و نجد ما يحكيه يحدث فى احد اركان المسرح فى بؤرة من الضوء)  
العفريت : وائل

سعيد : وائل مين

العفريت : المساعد بتاعى

سعيد : اه بتاع الثانوية العامه

العفريت : مضبوط .. وائل هيلبس لبس بنى آدم و يروح يخبط على صاحب البيت فى شقة  
(يصفق بيديه فترى المشهد يحدث) وائل هيكون معاه هقد انا مجهزة و العقد دا متكوب فيه انك  
مأجر الشقة لمدة 99 سنة و دافع مقدم كمان طبعا احنا هنقول للمعلم ان دا ورق بتاع مسابقة  
من بتوع التلفزيون و انو كسب معانا مبلغ كبير و عايزين امضته عالورق عشان يستلم الجائزة  
سعيد : ايوه بس فيه مشكلة (نجد المعلم و هوا ممسك القلم بعد ان يكاد يوقع يتوقف فجأة مع جملة سعيد)  
العفريت : خير

سعيد : المعلم بيعرف يقرأ يعنى اكيد هيفهم اللي فى الورق

العفريت : لا ماتخفش احنا هنشغله و نخليه ميركزش (تظهر اما المعلم فجأة فتاه جميلة تتمايل و تضحك  
فى وجهه حتى يوقع)

سعيد : اه اذا كان كذا ماشى

العفريت : ها ايه رأيك بقا فيا

سعيد : هوا حل حلو بس يعنى

العفريت : ايه تانى

سعيد : بص دا نصب

(يخرج العقد من جيبه)

العفريت : خلاص لو مش عاجبك ارجعهولك (يدخل المعلم و يأخذ العقد و يمشى)

سعيد : لا لا خلاص (يعود المعلم و يعطى العقد للعفريت)

العفريت : ها ايه رأيك فيا ( يعطيه العقد)

سعيد : لا اذا كان كذا تبقا عفريت بحق و حقيقى

العفريت : يا بنى و مش اى عفريت دانا مالعفاريت الزرق(صوت جرس الباب يرن)

سعيد : اهو المعلم وصل ..

العفريت : افتح ولا يهملك العقد فجيبك

(يخرج سعيد و يعود و معه صاحب الشقة )

**المعلم :** ها لميت الكراكيب بتوعك  
**سعيد :** لو سمحت يا معلم انا راجل فنان مش اى حاجة  
**المعلم :** (ساخرا) ماشى يا عم الفنان .. لميت الكراكيب بتوعك  
**سعيد :** والمهم ليه انشاءالله  
**المعلم :** احنا هنهرج ولا ايه يا سى الافندى .. يللا اتمشى بدل مابعزلك كرامتك  
**سعيد :** لو سمحت يا معلم احترمى شوبة  
**المعلم :** اللهم طولك يا روح  
**سعيد :** شوف يا معلم انا معايا عقد ايجار لمدة 99 سنة و عليه توقيع جنابك  
**سعيد :** (يمسك العقد فى يده و يريه من بعيد) اهو .. شوف  
**المعلم :** ورينى كدا  
**سعيد :** اوعى ايدك .. بص من بعيد  
**المعلم :** (يقرأ) يا بن اللذينة .. دى امضتى بصحيح  
**سعيد :** طبعا او مال انا هخدك ولا ايه يا معلم  
**المعلم :** (مذهولا) عملتها ازاي دى يا بن الايه  
**العفريت :** (مشيرا لنفسه فى فخر) قوله قوله ان انا اللى.....  
**سعيد :** الموضوع دا كله راجع لعبقريتى و ذكائى الفز  
**العفريت :** (يمسك ملابس سعيد) قوله انا انا اللى ....  
**سعيد :** انا مصيبة يا معلم  
**العفريت :** قوله يا سعيد ان انا اللى عملت ال..  
**المعلم :** بقا كدا يعنى  
**سعيد :** (بتحدى) اه كدا  
**المعلم :** (ينادى) يا سيد برعى  
**سعيد :** انا مبتهددش على فكرة .. مش كدا (ينظر للعفريت)  
**العفريت :** انا وراك يا سعيد ميهمكش  
**(يدخل سيد و برعى و هما ضخما الجثة)**  
**المعلم :** كتقوه (يمسكا سعيد)  
**سعيد :** (مكلما العفريت) يا برنس .. يا عم العفريت .. انت يا عم الهجان  
**العفريت :** انا معروفش  
**سعيد :** تانى تانى يا جبان  
**المعلم :** (يخرج ايصال امانه من جيبه) مضوه على ايصال الامانه دا  
**سعيد :** مستحيل انا ممضيش عالكلام دا

**المعلم :** دا بقا ايصال بمليون جنيه و يا الدفع يا الحبس

**سعيد :** الله يخليك يا معلم انا .... (يترجاه)

**المعلم :** ان كنت انت عفريت انا ابليس نفسه .. امضى

(يضر به الاثنان حتى يمضى) **ولاء**

### المشهد الخامس

(ديكور شارع و نرى سعيد يحيط بوجهه ضمادات و يسير معه العفريت و هم يحملان عفش سعيد)

**سعيد :** (يولول) يا خرابى ياما يا وكستك يا سعيد

**العفريت :** استرجل بقا شويه و بطل ولولة

**سعيد :** حرام عليك انا من ساعة معرفتك مشفتش خير .. الروايه بدل ماتتعل سنة ولا اتنين اتسرقت

خالص .. و دينا اعتبرتني مجنون و سابتني و صاحب الشقة بدل ما اسايسه و اديله قرشين .. مضانى

على وصل امانة بمليون جنيه .. و دلوقتي البوليس بيجرى ورايا

**العفريت :** (متوترا) قصدك ايه يعنى .. انا كنت عايز اساعدك

**سعيد :** تساعدنى..ياخى ساعد نفسك الاول.. انا قلتك قبل كدا الدنيا دى مينفعش فيها ولا العفريت الزرق

**العفريت :** تانى .. برضه نفس الجملة ..

**سعيد :** وتالت و رابع وو عاشر .. انا عارف عشان تعيش هنا لازم تكون ابليس ذاته

**العفريت :** انا كنت فاكرا ان ....

**سعيد :** (يقاطعه) ادبك شفت و عرفت و حسيت احنا مش عايشين وسط بنى آدمين احنا عايشين و سط

ديابه .. شياطين .. انت نفسك مقدرتش عليهم

**العفريت :** لا انت مجنون ولا ايه

**سعيد :** يا عم روح

**العفريت :** يمكن بس مقدرتش الشر جواهم مضبوط .. تخيلتهم عندهم شويه قلب .. لكن من دلوقتي اطمن

**سعيد :** يا خوفى منك

**العفريت :** لا المرادى بجد يا سعيد .. انا هتعامل معاها زى الاسد و هوقفهم عند حدهم

**سعيد :** (يشم بانفه ) ايه دا شامم

**العفريت :** لا اصلى مش شامم .. يمكن عشان عندى برد

**سعيد :** برد !! انا قلت عفريت مضروب

**العفريت :** لو سمحت ..

**سعيد :** خلاص فيه ريحة كباب و كفته جايه من هناك

(تظهر بؤرة ضوء بها بعض الرجال يأكلون و يشربون خمر و يبدو عليهم الاجرام)

**العفريت :** اه صحيح اهم هناك .. انت جعان ؟

**سعيد :** مووت بس ازاي

العفريه : ولا يهملك شوف ..

(يشير بيده فتطير السندوتشات من عندهم الى ايدي سعيد)

سعيد : (يمسك الاكل) ايه دا الله .. كان فين الكلام دا من زمان

رجل 1 : (يأتى الرجال مسرعين) ايه اللى بيحصل دا يا جدعان ..

رجل 2 : شكلنا تقلنا فالشرب يا برنس

رجل 3 : ولا انت و هوا .. انتو مين

سعيد : (خائفا) يا ماما

العفريه : ماتخفش انا معاك

سعيد : يا عم اجرى هوا انت حد شيفك

رجل 1 : دا شكله عامل دماغ هوا كمان يا ريس

رجل 2 : بيكلم نفسه

رجل 3 : (يخرج مطواه ) قلب نفسك يالا

سعيد : (خائفا) يعنى ايه حضرتك

رجل 1 : يعنى شخلل جيبك

سعيد : على فكرة انا فنان

رجل 2 : طب شخلل جيبك يا فنان

سعيد : على اساس انى فهمت الاولانيه يعنى ..

العفريه : (يخاف) قصده طلع اللى معاك

سعيد : يعنى اعمل ايه (بخوف)

العفريه : انا رأيي تطلع اللى معاك

سعيد : يا سلام

العفريه : دول معاهم سلاح يا عم و احنا ماتقناش على كدا

سعيد : اه يا جبان

رجل 3 : ولا قللب نفسك

سعيد : انا معييش حاجة حضرتك

رجل 2 : خلاص بيقا اقلع

سعيد : اقلع ايه

رجل 3 : إقلع

(صوت سارينة البوليس)

العفريه : الحمد لله البوليس وصل

رجل 1 : اوبا الحكومة يا زعيم ..

رجل 3 : اللى معاه حاجة يخلص منها بسرعه

رجل 2 : بس هوا دا

(يخرج المخدرات وو يضعها فى جيب سعيد)  
(يدخل رجل الشرطة)

الظابط : مكانك انت و هوا

رجل 1 : احنا تمام يا باشا ..

رجل 2 : زى الفل

رجل 3 : بطاقتى معايا يا باشا

سعيد : الحمد لله ان سيادتك و صلت

الظابط : بطايكم يلا انتو هوا

(يعطيه الجميع بطاقةته إلا سعيد)

الظابط : وانت ..

سعيد : (مرتبكا ) الظاهر انى نسيتها

الظابط : نسيتها .. (بسخرية) حلو اوى .. تعالى

الظابط : (يفتشه و يخرج منه قطعة مخدرات) .. ايه دا بقى

سعيد : مش بتاعتى صدقنى مش بتاعتى

رجل 3 : نمشى احنا يا باشا ؟؟

الظابط : امشى يلا انت و هوا

سعيد : طب وانا

الظابط : انت هتشر فنا ..

سعيد : فين ؟؟

الظابط : ففندق 5 نجوم

سعيد : بجد (بسعاده)

الظابط : يلا ياهبل

العفريت : طب سلام بقا يا سعيد (ينسحب بهدوء)

سعيد : انت يا عم العفريت استنى

((تحدث دراما بين سعيد و نفسه يقوم فيها بتعذيب نفسه بالسياط و الجلد))

(يبدأ المسرح فى الاظلام تدريجيا و يظهر صاحب الشقة و الظابط و موظف الروايات و دينا حبيبته و كل شخصيات العرض فى اركان المسرح المختلفه)

دينا : على فين يا سعيد

سعيد : دينا .. استنى يا دينا انا هحاول اعمل ..

دينا : مش هينفع يا سعيد مش هتعرف

**سعيد:** يا معلم انا خلاص هدبرلك الفلوس و ...

**المعلم:** (ضاحكا) يا ريت يا فندى .. انا هاهد البيت كله و اطلع بيج كبير

**سعيد :** يا سعادة البيه .. اوعذك لو زقيتلى الروايه بتاعتى قدام شوية هديك الحلاوة

**الموظف:** راحت عليك يا فنان انا حلاوتي خدتها مالباشا الكبير خلاص.. و بعدين عايزين

## نہایت این سعادتہ

**سہد:** یعنی ایه .. خلاص .. دنیا کھا ضدی .. عالم کھے وقف قصادی ..

**سعيد :** وانت .. حتى انت مش قادر تساعدنى

**الحفريات:** انا اسف يا سعيد ..

**سحر:** اسف !! جای دلو قتی تقولی اسف .. بعد ایه

**العفو:** سعيد انت مش محتاج عفریت عشان يساعداك

**سعد:** اومال محتاج ايه .. رد عليا .. قولي دانت عفريت حتى .. يعني ابليس يعني شيطان ,, مش قادر

## على دول على شوية بنى آدمين

العفريت: ايوه يا سعيد انا فشلت .. مقدرتش .. معرفتش

**سعد:** خلاص يبقا هات الاكبر منكك .. ماهو اكيد في عفاريت اكبر منك بتفهم عنك

**الحفريه :** انت لسه لحد دلوقتي مفهمتش !!

**سعر:** مفہمتش ایه بالظبط

(يدخل رئيس المجلس الاعلى للعفاريات)

**الرئيس :** ان المشكله مش عندنا

**سحب:** اومال المشكله فين عندي انا؟؟

**الرئيس :** مضبوط يا سعيد .. المشكلة المشكله فيك انت

المشكلة اننا لما بصينا عالبنى آدمين مشفناش غيرك .. و افكرنا ان كلهم زيك .. نفس البرأة

و نفس البساطة و نفس الاخلاق .. لكن الحقيقي .. ان اللى زيك مش كثير اللى زيك بقوا عمله

نادرة مبقاش ليهم و جود

**سحب : یعنی ایه ؟؟**

**الرئيس:** يعنى الشر اللي جواكم اكثر بكثير مالى كنا متخيلينه .. السرقة و الطمع .. الغيرة و الحسد ..

ملو قلوبكم خلاکم مش شایفین ای حاجه قدامکم بقینا نقعد نتفرج علیکم و نتعلم منکم ..

نتعلم مالی بیسرق ویشتم الحرامی

نتعلم مالی بقتل القتل و یجری عشان یمشی فجنارته

نتعلم مالى بياخذ رشوة و يحضر القداس من اوله

## احداث طرق الغش و الخداع

## احدث اساليب النصب و السرقة

وفالآخر تلوموا علينا وعلى ابليس ..

صحيح احنا اللي اكلنا آدم و حوا الثمرة ..  
بس دا كان زمان .. لكن دلوقتى ولا مليون ثمرة ينفعوا معاكوا  
سعيد : طب و الحل

الرئيس : الحل موجود بس مش عنددنا يا سعيد

العفريت : دور عالحل يا سعيد بس مش هنا

→ لآك